

KAIA MANZI - 7 - 9 SEPTEMBER 2012

Voor die naweek het ons 'n nat en koue front beleef. Vrydagoggend was ons die eerste woonwa wat by Kaia Manzi ge-arriveer het. Dit het katte en honde gereën en ek het voorsien dat ons net 'n paar Rjetvalleiers gaan wees wat die ongure weer sou kom trotseer. Maar later die middag het die reën bedaar en het die Rjetvalleiers een na die ander opgedaag. Toe besef ek weer dat ons streek nie skrik vir 'n bietjie reën en koue nie. Ons was 10 woonwaens en nie veel kindertjies nie, maar dit was 'n heerlike naweek.

Vrydagaand is daar gesmul aan worsbroodjies en souse terwyl bykans almal hitte gesoek het by hul eie vure.

Saterdagoggend het begin met 'n laagtepunt nadat klein Amber met 'n skopfiets lelik seer gekry het en daar na die hospitaal gehaas moes word – sy is darem Sondag weer ontslaan en was terug by die kamp om die laaste 3 ure met haar maatjies te kon speel.

Die hoogtepunt was toe 'n hele paar entoesiaste die nat 4x4 roete aangepak en laatmiddag met vuil voertuie en breë glimlagte teruggekeer het. Sommige se lywe was seer van die uitklim en "stap die hindernis" maar almal was dit eens – hul voertuig kon!!



Amber se maatjies het haar terug verwelkom met tekeninge wat duidelik gewys het ons kinders gee om vir mekaar.

Saterdagaand het ons buurmanne gebraai en so is tot laaaaat gekuier om 'n heerlike dag af te sluit.

Sondagoggend is daar onder die groot boom stil geword met die Woord, lekker gesing waarna ons na 'n wonderlike getuienis geluister het, gelewer deur Glenn Kahts. Daarna was dit die gebruiklike afkondigings waartydens enkele toekennings oorhandig is en koek en tee se beurt wat, nodeosoos om te sê, goed afgehandel is.

Dit was 'n naweek met min aktiwiteite, maar propvol van heerlike kuier en rus.

Anet Lubbërt

Chris en Nellie Stander ontvang hul 70ste streek
aansporingsplaatjie van Tjaart.



Cornel en Annien Fourie word voorgestel as ons
nuutste lede.






Anet Lubbert ontvang hul kampkommandante
plaatjie van Tjaart.

4 x 4 avontuur






Eindeloze lang toue om 'n
heurt te kry...




Tjaart wys mooi hoe dit
gedoen moet word.

Aan hulp en raad was daar
geen tekort nie...





'Anything you can do I can do better!'






Die toeskouers en
fotograwe het die mooi
sonnige dag terdeë geniet!



Ka





Gebed vir vriende

Help my Here, om my vriende te waardeer. Om altyd te onthou vriendskap is 'n voorreg en nie 'n reg nie. Maak my sensitief om nie misbruik te maak van my vriende se tyd nie; om nie hul bystand en belangstelling as vanselfsprekend op te eis nie. Bewaar my daarvan dat ek sal dink dat ek my vriende besit of dat hulle iets aan my verskuldig is. Here, U weet dit is moeilik om alleen te wees. Moet tog nie dat ek so veeleisend raak dat ek te veel druk plaas op die bande tussen ons nie.

Dankie Heer, vir troue vriende, van vandag en gister. Dankie dat hulle iets van u trou reflekter. Maar bo alles: Dankie dat U self kans sien om my Vriend te wees.

Uit die Groot Gebedeboek